

एतदधल॒यि दे॒वत॒यि द्र॒पं यदे॒ते घो॒रा आ॒रण्याः प॒शवो यदे॒तेषां प॒शूनां लो॒-
म॒भिः पयो॒ग्रहाञ्छ्रीणीया॒द्रुद्र॒स्यास्ये प॒शून॒पि॒दध्या॒दप॒शुर्व॒जमानः स्या॒द्यन्न श्रीणीया॒-
दन॒वरु॒द्धा अस्य प॒शवः स्यू रु॒द्रो हि प॒शूनामी॒ष्टइति॒ सुरा॒ग्रह॒नैवैते॒षां प॒शूनां
लो॒मभिः श्रीणा॒ति सुरा॒यामे॒व तद्रौ॒द्रं दधा॒ति तस्मा॒त्सुरां पी॒त्वा रौ॒द्रम॒ना अथो
आ॒रण्ये॒ष्वेव प॒शुषु रु॒द्रस्य॒ हेति॒ दधा॒ति ग्राम्या॒णां प॒शूनाम॒हि॒सायाऽअ॒वरु॒द्धा
अस्य प॒शवो भव॒न्ति न रु॒द्रस्या॒स्ये प॒शून॒पि॒दधा॒ति ॥ २० ॥ या व्या॒घ्रं वि॒षूचि॒का ।
उ॒भौ वृ॒कं च र॒क्षति॒ श्येनं॒ पत॒त्रिण॑ सि॒द्धं से॒मं पा॒त्र॒हसः॑ ॥ यदा॒पि॒पे॒ष
मा॒तरं पु॒त्रः प्र॒मुदि॒तो ध॒यन् एतत्त॒द्ग्रेऽअ॒नृणो॒ भवाम्य॒रुतौ पि॒तरौ म॒येति
॥ २१ ॥ अ॒ध्वर्युश्च॒ प्रति॒प्रस्था॒ता च । जघ॒नेन वे॒दिं प्रा॒ञ्चमा॒वृत्तं य॒जमान॑ श्ये॒न-
प॒क्षाभ्या॒मूर्धं चा॒वाञ्चं च पा॒वय॒तः प्रा॒णो॒दान॒योस्त॒द्रूपं प्रा॒णो॒दान॒विवा॒वरु॒द्धऽऊ॒-
र्धश्च॒ ह्यय॒मवा॒ङ् च प्रा॒ण आ॒त्मान॒मनु॒सं॒चर॒ति स॒म्पृच॒ स्थ सं मा भ॒द्रेण॑ पृ॒ङ्क्तेति॒
प॒यो॒ग्रहा॒न्सं॒मृश॒ति श्रियै॒वैनं॒ यश॒सा स॒मर्ध॒यति॒ वि॒पृच॒ स्थ वि मा पा॒प्मना॑ पृ॒-
ङ्क्तेति॒ सुरा॒ग्रहा॒न्पा॒प्मनै॒वैनं॒ व्या॒वर्त॒यति ॥ २२ ॥ ब्रा॒ह्मण॑म् ॥ ४ [७. ३.] ॥ सप्त॒मो
अ॒ध्यायः [८१.] ॥ ॥

इन्द्रस्य वै यत्र । इन्द्रियाणि वीर्याणि व्युत्क्रामंस्तानि देवा एतेनैव यज्ञेन
पुनः समध्वर्युत्पयोग्रहाश्च सुराग्रहाश्च गृह्यन्तऽइन्द्रियाण्येवास्मिंस्तद्वीर्याणि पुनः
संदधत्युत्तरेऽग्नौ पयोग्रहान्नुहति शुक्रेणैवैनं तत्सोमपीथेन समर्धयति ॥ १ ॥ स
जुहोति । सुरावन्तं बर्हिषदं सुवीरमिति सुरावान्वाऽएष बर्हिषद्यज्ञो यत्सौत्रा-
मणी बर्हिषैवैनं यज्ञेन समर्धयति यज्ञं हिन्वन्ति महिषा नमोभिरित्यृत्विजो वै
महिषा यज्ञो नम ऋत्विग्भिरैव यज्ञं समर्धयति यज्ञेन यजमानं दधानाः सोममि-
ति सोमपीथमेवास्मिन्दधति दिवि देवतास्विति दिव्येवैनं देवतासु दधति मदे-
मेन्द्रमिति मदाय वाव सोमो मदाय सुरोभावैव सोममदं च सुरामदं चावरुन्दे